




# PSALM 76

**76**


Hy het sy Naam be-kend-ge-stel




in Ju-da en in Is - ra - el.




Die aan-val het Hy af-ge-weer



daar waar Hy heers. Groot is die Heer.



In Sa-lem staan die Heer se wo-ning,



in Si - on waar Hy heers as ko-ning.

2.

Geen wapen *was teen* Hom bestand,  
geen *pyl of skild*, geen swaard of hand.  
Nog voor die *vyand aan kon* val,  
is *hulle in hul* slaap oorval.  
Op Sion *het u glans* geskitter,  
geen ander *ligglans was ooit* witter.



3.

U krag, *wie is daarteen bestand,*  
*wie, as u grimmigheid ontbrand?*  
Die strydwa en die oorlogsperd,  
*wat is dit teen die Here werd?*  
Die krygers *het voor Hom gebewe*  
toe God Hom *in die stryd begewe.*

4.

**U het U *uit die* hemel, Heer,  
na *die verdruktes* toegekeer.**

**Die mensdom *was vol vrees en* stom  
toe U, o God van Jakob, kom,  
toe U, o Heer, *u uitspraak* meedeel,  
toe U kom *ingryp met u* oordeel.**

5.

Die vyand *sal U* hulde bring  
en *met ontsag u* lof besing.  
Kom lof met *dankoffers betoon*,  
*almal wat om die Here woon*.  
Voor Hom *sal elke groot regeerder*  
in vrees kom *neerbuig as vereerder*.